



Sesida dals

Communitgà ils

Protocol nr.

8 d'avust 2023

9 d'avust 2023

604/2023

Dumonda Rauch

concernent la candidatura per ils FIS Games

Resposta da la Regenza

Ils campiunadis mundials da skis alpin da la FIS han gè lieu il 2003 ed il 2017 a San Murezzan. Grazia a la cumpetenzza d'organisar occurrenzas ch'è avant maun e cun il sustegn finanziel da la Confederaziun, dal chantun e da las vischnancas ha l'uniun Campiunadis mundials da skis alpin pudì organisar cun success quests campiunadis mundials. En il Grischun han lieu regularmain differentas cursas da la cuppa mundiala da la FIS (Arosa, Cuira, Tavau, Laax, Lai, Scuol, San Murezzan). L'onn 2025 han lieu en l'Engiadina'OTA ils FIS Freestyle World Championships 2025 Engiadina / San Murezzan. Er l'onn 2025 vegnan realisads a Lai ils campiunadis mundials da biatlon da la International Biathlon Union (IBU). Ultra da quai han lieu l'onn 2029 ils Special Olympic World Winter Games a Cuira, Arosa e Lai. Sco emprova generala vegnan gia in onn avant manads tras ils Special Olympic National Winter Games 2028 en las medemas trais vischnancas.

Per realisar occurrenzas grondas internaziunalas sco campiunadis mundials u er ils FIS Games dovri ina instituziun purtadra locala u regionala che surpiglia – ensemen cun las vischnancas, cun la federaziun da sport naziunala e cun las societads da pendicularas – la responsabladad organisatorica e finanziala. La Confederaziun ed il chantun pon pajar contribuziuns per la realisaziun d'occurrenzas grondas sco er per la construcziun da las infrastructuras permanentas ch'èn necessarias. Il chantun n'agescha betg sco organisatur.

Tar la dumonda 1: La destinaziun Engiadina San Murezzan examinescha actualmain – ensemen cun Swiss Ski – ina tala candidatura. Il chantun po sustegnair ina candidatura per ils FIS Games 2028, sch'i vegnan ademplids ils criteris sin basa da la

Lescha per promover il svilup economic en il chantun Grischun (LSE; DG 932.100) sco er la directiva da promoziun dal Departament d'economia publica e fatgs socials concernent contribuziuns ad occurrenz (UET 43/21).

Tar la dumonda 2: Ils iniziants da la destinaziun Engiadina San Murezzan èn – ensemen cun Swiss Ski – gia entrads en contact cun l'Uffizi federal da sport (UFSPO) e cun Swiss Olympic. En cas da basegn è il chantun pront da stabilir ulteriurs contacts necessaris.

Tar la dumonda 3: Il sustegn da candidaturas sco er da la realisaziun d'occurrenz grondas d'importanza internaziunala fa part dal Program da la Regenza 2021–2024. La Regenza renconuscha il potenzial da talas occurrenz areguard la promoziun da l'economia locala sco er areguard il svilup dal turissem. Quai en spezial, sche l'occurrenza da sport vegn organisada per gronda part sin infrastrukturas existentas ch'èn gia vegnidas utilisadas pli baud per occurrenz (campionadis mundials da skis u campionadis mundials da freestyle). Er en l'avegnir vegn la Regenza a sustegnair occurrenz grondas en il rom da las prescripziuns legalas e da las pussaivladads finanzialas.



En num da la Regenza

Il president:

Peter Peyer

Il chancelier:

Daniel Spadin